



UNIVERSITÄTS-  
BIBLIOTHEK  
PADERBORN

**De Iustitia Et Iure ceterisq[ue] Virtutibus Cardinalibus**

**Lessius, Leonardus**

**Antverpiæ, 1632**

Dvb. 1. Quid sit adoratio.

---

[urn:nbn:de:hbz:466:1-72459](#)

## C A P V T X X X V I I I .

## De Sacrificio &amp; Adoratione.

*Constat 4. Dubitationibus.*

**S**equuntur actus externi Religionis, inter quos primum locum obtinent *sacrificium & adoratio*; his enim manifestissime cultus defertur: *sacrificio* per rem externam, *adoratione* per corporis gestum. *Sacrificio* affines sunt *oblationes & primiciae*, de quibus etiam breuiter aliquid dicemus.

## D U B I T A T I O I .

*Quid sit adoratio.*I  
Προσκύνη-  
σις.

**N**OTANDVM Primo, *Adoratio* nem Græcè dici *προσκύνειν*, quasi dicas adosculatum, à *κυρίῳ*, quod idem est quod *κύριος* oscular, ut ex Homero constat, solent enim antiqui venerari homines & deos, osculando genua, vel caput, vel humeros. Hebrai aliquando exprimit per verbum *κατέπεσσιν*, quod se incurvare significat, à verbo *κατέπεσσιν*, aliquando per *τάξιν*, quod seruire. Hinc factum est ut 70. & Scriptores sacri noui Testamento *adorationis* actum sèpè exprimant per verbum *δινεύειν λατρεύειν*, (quæ significant idem quod seruire) secuti Hebraismum.

Notandum Secundo, Omnia hæc nomina esse communia Deo & creaturis; & quemuis cultum honorarium, siue is religiosus sit siue politicus, significare, aliquando enim significant honorem qui tribuitur hominibus vel Angelis: nam Genef. 18. Abraham *adorauit in terram Angelos*. & Gen. 19. Lot *adorauit Angelos* pronus in terram. 3. Reg. 1. Inclinauit se Bethsabee & *adorauit Regem*. & infra, Nathan *adorauit Regem* pronus in terram. & alibi tæpè. quibus locis apud 70. est *προσκύνειν*, Hebraicè, *κατέπεσσιν*. Eadem alibi significant honorem diuinum. Exod. 20. v. 5. *Non adorabis ea.* 70. *Οὐ προσκύνεις*. Hebr. *κατέπεσσιν*. Sic Math. 4. *Adoratio & προσκύνειν*; accipiuntur pro cultu diuino. Pari modo *δινεύειν* aliquando accipitur pro cultu diuino; Gal. 4. 1. *Iis, qui non sunt naturā dī seruētatis*; Græcè *διδουλίνεται*. aliquando pro cultu & obsequio humano; ad Gal. 5. *Per charitatem seruētatis inuicem*, Græcè *διδουλίνεται*. Sic *λατρεύειν* apud profanos significat obsequia seruilia obire, famulari, & feruliter aliquem colere; (ut ex Hesychio & Suida pater) tamen in novo Testamento, & (exceptis duabus vel tribus locis) etiam in veteri semper accipitur pro cultu qui Deo debetur. Vide D. Augustinum lib. 10. de ciuit. cap. 1. & Ludovicum Viuem ibidem.

3. Ex his patet, quando in Scripturis vel Patribus inueniuntur nomen *adorationis*, vel *cultus*, vel *seruētatis*, vel aliud æquivalens, ex subiecta materia & circumstantiis iudicandum, virum accipiatur pro cultu diuino, an pro inferiore; nam nomina ipsa per se generalia sunt, & nunc sic nunc aliter usurpantur: quod est valde notandum contra hereticos.

His positis, *Adoratio* dupliciter accipitur. Primo, Generatim, vt complectatur etiam sacrificium & oblationem. Sic loan. 4. *Venit hora quando generatim neque in monte hoc neque in Ierosolymis adorabitis Patrem*; nempe per sacrificium, nam de loco, ubi Deo sacrificium offerri deberet, quærebat Samaritanus: de eo enim erat quæstio inter Iudaos & Samaritas, sic sapientissime accipitur in Scripturis.

Secundo, Propriè; & sic nihil est aliud quam *Speciatum*. *honor externo corporis gestu exhibitus*, vt genuflexione, capitis aperiōne, inclinatione, osculo manus & pedum, corporis in terrâ prostratione, &c. his enim & similibus modis alios honoramus; testamur enim nostram submissionem, & alterius excellentiam. Itaque *adoratio* propriè consistit in externo illo gestu, quatenus est signum interna æstimationis, reuerentia & submissionis erga alterum, & consequenter illius quoque excellencia.

Notandum est, etiam omnem externam *adorationem* secundum sè esse adiaphoram, & posse tam *Omnis creaturæ* quam Deo exhiberi: nam genuflexio, & totius corporis in terram prostratio, (qua summa videntur adorationes) etiam hominibus exhiberi solent; ut ex Scripturis patet, Genef. 4. & 50. 3. Reg. 1. 4. Reg. 4. Aitor. 10. Itaque à sola intentione pender, quod per haec, ita vel illa honoris species deferatur. Si enim externâ illâ submissionis nota intendas te alteri submittere tamquam Deo, & testari eius diuinitatem, erit cultus latræ; si ut amico Dei, erit dulia; si ut viro sapienti, potenti, erit obseruantia politica. Vnde idem actus externus, quatenus successuè potest procedere à diuersa intentione, & accipi ut signum diuersæ excellencia in honoratis, & diuersæ æstimationis, reuerentia & submissionis in honorante, potest successuè esse actus latræ, dulia, & obseruantia politica.

## D U B I T A T I O II .

*Quid sit sacrificium propriè dictum.*

Hæretici, ut excludant unicum & verum Ecclesiarum sacrificium, ita rationem sacrificij explicant, vt vel omne opus bonum, vel saltem omnne id quod Deo offertur, velint esse propriè dictum sacrificium. vnde Philippus Melanchthon in Loci communibus, tit. de sacrificio eucharistico, *sacrificium dicit esse omne opus, quod Deo reddimus, ut eum honore afficiamus*. & Caluinus lib. 4. Institut. cap. 18. §. 13. 16. 17. omnem oblationem, etiam si nulla fiat circa illam immolatio, vult esse verum sacrificium. Idem ferè docent alii hæretici, vt refert Gregorius à Valentia Apol. de sacrificio Missæ, & Bellarm. lib. 1. de Missâ cap. 2.

Sed certum est, & fide tenendum, neque omne opus bonum, neque omnem oblationem esse verum & propriè dictum sacrificium.

Prior pars probatur Primo, Quia apud omnes Gentes.